



Broj: 02-05-1851-1/14
Sarajevo, 28.01.2014. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst i 38/13), Vlada Kantona Sarajevo, na 53. sjednici održanoj 28.01.2014. godine, donijela je sljedeći

ZAKLJUČAK

1. Utvrđuje se Prijedlog zakona o izmjeni i dopuni Zakona o Vladi Kantona Sarajevo.
2. Predlaže se Skupštini Kantona Sarajevo da pretrese i donese zakon iz tačke 1. ovog Zaključka po skraćenom postupku, u skladu sa članom 158. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi Novi prečišćeni tekst, br. 15/13 i 47/13).

P R E M I J E R

Suad Zeljković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo pravde i uprave
5. Ministarstvo finansija
6. Evidencija
7. A r h i v a



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
Kanton Sarajevo
VLADA

ZAKON
O IZMJENI I DOPUNI ZAKONA O VLADI KANTONA SARAJEVO

(PRIJEDLOG)

Nosilac izrade
Ministarstvo pravde i uprave

Sarajevo, januar 2014. godine

Na osnovu člana 18. tačka b) i člana 30. stav 1. Ustava Kantona Sarajevo („Službene novine Kantona Sarajevo“ br. 1/96, 2/96 - Ispravka, 3/96 – Ispravka, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana _____ 2014. godine, donijela je

(PRIJEDLOG)

**ZAKON
O IZMJENI I DOPUNI ZAKONA O VLADI KANTONA SARAJEVO**

Član 1.

U Zakonu o Vladi Kantona Sarajevo („Službene novine Kantona Sarajevo“ broj 24/03 – Prečišćeni tekst i broj 38/13), u članu 8a. st. 2. i 3. mijenjaju se i glase:

“U slučaju privremene spriječenosti člana Vlade duže od 30 dana, funkciju ministra ministarstva kojim rukovodi odsutni ministar vrši premijer ili član Vlade kojeg odredi premijer.

U slučaju da mjesto člana Vlade ostane upražnjeno, do imenovanja novog člana Vlade funkciju ministra ministarstva kojim je rukovodio dotadašnji ministar obavlja premijer ili član Vlade kojeg odredi premijer.”

Član 2.

Iza člana 9b. dodaje se novi član 9c. koji glasi:

„Član 9c.

Izuzetno, ukoliko premijer ne prihvati ostavku ministra, dužan je u roku od 30 dana ostavku dostaviti Skupštini Kantona na potvrđivanje.

Ukoliko u roku od 30 dana od dostavljanja ostavke iz stava 1. ovog člana Skupština Kantona ne potvrdi ostavku, a ministar koji je podnio ostavku ne povuče ostavku u tom roku, a najkasnije na sjednici Skupštine, ostavka stupa na snagu i konačna je.

Na osnovu konačne ostavke iz stava 2. ovog člana, Komisija za izbor i imenovanja i administrativna pitanja donosi rješenje o razrješenju ministra.“

Član 3.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 4.

(Stupanje sa snagu)

Ovaj zakon stupa na snagu osmog dana od dana objavljivanja u “Službenim novinama Kantona Sarajevo”.

Broj, _____
Sarajevo, _____ 2014. godine

**PREDSJEDAVAJUĆA
SKUPŠTINE KANTONA SARAJEVO**

Prof.dr.Mirjana Malić

OBRAZLOŽENJE

PRAVNI OSNOV

Pravni osnov za donošenje ovog zakona sadržan je u odredbama člana 18. tačka b) Ustava Kantona Sarajevo kojim je utvrđena nadležnost Skupštine Kantona Sarajevo za donošenje zakona i drugih propisa u okviru izvršavanja nadležnosti Kantona, te člana 30. stav 1. Ustava Kantona Sarajevo kojim je propisana nadležnost Skupštine Kantona Sarajevo da utvrđuje organizaciju Vlade Kantona Sarajevo.

RAZLOZI DONOŠENJA

Potreba za donošenjem Zakona o izmjeni Zakona o Vladi Kantona Sarajevo javila se nakon inicijative premijera Kantona Sarajevo, kojom ističe da se potreba za izmjenom Zakona o Vladi Kantona Sarajevo pokazala neophodnom, obzirom da su se u praksi pojavile situacije koje nisu predviđene ili nisu dovoljno regulisane Zakonom o Vladi Kantona Sarajevo.

Kao konkretan primjer, premijer Kantona Sarajevo navodi trenutnu situaciju mjesta ministra Ministarstva za obrazovanje, nauku i mlade, upražnjenog u periodu dužem od 30 dana, zbog čega je otežano redovno i blagovremeno obavljanje redovnih poslova iz nadležnosti Ministarstva, te da se ovakva situacija direktno reflektuje na i rad Vlade Kantona Sarajevo.

Pored navedene inicijative premijera, inicijativu za izmjenu Zakona o Vladi je podnijela, dana 30.09.2013. godine, i Komisija za izbor i imenovanja i administrativna pitanja Skupštine Kantona Sarajevo kojom traže da Vlada Kantona Sarajevo po hitnoj proceduri pristupi izmjeni Zakona o Vladi u kojem će se predvidjeti da ukoliko ministar podnese ostavku, ostavka se usvaja i o njoj ne raspravlja Skupština,

Postupajući po navedenim inicijativama, a nakon izjašenja na inicijativu i konsultacija sa premijerom Kantona Sarajevo, Ministarstvo pravde i uprave Kantona Sarajevo je pripremlilo Zakon o izmjeni i dopuni Zakona o Vladi Kantona Sarajevo, te predlaže Vladi da utvrdi prijedlog Zakona po skraćenom postupku, u skladu sa članom 158. Poslovnika Skupštine Kantona Sarajevo ("Službene novine Kantona Sarajevo", broj 41/12-Drugi novi prečišćeni tekst i broj 15/13) i uputi ga u skupštinsku proceduru.

Napominjemo da nije prihvaćena inicijativa Komisije za izbor i imenovanja i administrativna pitanja Skupštine Kantona Sarajevo da o ostavci ministra ne raspravlja Skupština Kantona jer ni na ostalim nivoima vlasti BiH nije predviđeno da se o ostavci ne raspravlja.

PRAVNA RJEŠENJA

Član 1. – U članu 8a. st. 2. i 3. mijenjaju se u smislu da u slučaju privremene spriječenosti člana Vlade duže od 30 dana, funkciju ministra ministarstva kojim rukovodi odsutni ministar vrši član Vlade kojeg odredi premijer, a može je vršiti i premijer.

U slučaju da mjesto člana Vlade ostane upražnjeno, do imenovanja novog člana Vlade, funkciju ministra ministarstva kojim je rukovodio dotadašnji ministar obavlja premijer ili član Vlade kojeg odredi premijer, s obzirom da je rok za imenovanje novog ministra prekratak i često ne može biti ispoštovan.

Član 2. - Iza člana 9b. dodaje se novi član 9c., kojim se reguliše da izuzetno, ukoliko premijer ne prihvati ostavku ministra, dužan je u roku od 30 dana ostavku dostaviti Skupštini Kantona na potvrđivanje. Ako se Skupština u roku od 30 dana ne potvrdi

ostavku, a ministar koji je podnio ostavku, ne povuče ostavku u tom roku, a najkasnije na sjednici Skupštine, ostavka stupa na snagu i konačna je. Ovo iz razloga što se ostavlja mogućnost ministru da najkasnije na sjednici Skupštine povuče ostavku i nastavi obavljati funkciju ministra.

S obzirom da je moguće da se sjednica Skupštine ne održi u propisanom roku, odnosno da Skupština ne potvrdi ostavku, a ministar ne povuče ostavku, neophodno je da se i formalno-pravno potvrdi njena konačnost, pa stoga Komisija za izbor i imenovanja i administrativna pitanja donosi rješenje o razrješenju ministra, na osnovu konačne ostavke.

Član 3. -Ovim članom ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 4. – Utvrđuje se rok za stupanje na snagu ovog zakona.

NAČIN DONOŠENJA ZAKONA

Predlaže se donošenje ovog Zakona po skraćenom postupku, u skladu sa članom 158. Poslovnika Skupštine (“Službene novine Kantona Sarajevo”, broj 41/12-Drugi novi prečišćeni tekst i broj 15/13), jer nije složen i obiman zakon.

FINANSIJSKA SREDSTVA

Za provođenje ovog zakona nije potrebno obezbjediti finansijska sredstva u Budžetu Kantona Sarajevo.



KANTON SARAJEVO
Ured za zakonodavstvo
Vlade Kantona Sarajevo

CANTON SARAJEVO
Office for legislature of Sarajevo Canton
Government

Broj: 09-02-1092/14
Sarajevo, 17.01.2014. godine

KANTON SARAJEVO
MINISTARSTVO PRAVDE I UPRAVE

**PREDMET: Stručno mišljenje na prijedlog Zakona o izmjeni i dopuni
Zakona o Vladi Kantona Sarajevo.-**

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i čl. 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11-Novi prečišćeni tekst i 30/11-Ispravka), Ured za zakonodavstvo Vlade Kantona Sarajevo, daje slijedeće


MIŠLJENJE

1. Ured za zakonodavstvo Vlade Kantona Sarajevo nema primjedbi na dostavljeni prijedlog Zakona o izmjeni i dopuni Zakona o Vladi Kantona Sarajevo po pitanju njegove usklađenosti sa odredbama ustava i drugim pozitivno-pravnim propisima koji uređuju ovu oblast.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst i broj: 30/11-Ispravka), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



SEKRETAR

Ahmed Ljubović, dipl.pravnik



web: <http://uz.ks.gov.ba>
e-mail: ured@ks.gov.ba
Tel/fax: + 387 (0) 33 560-448
Sarajevo, Hamida Dizdara 1



153

20-01-2014

Bosna i Hercegovina
Federacija Bosne i Hercegovine
KANTON SARAJEVO
Ministarstvo finansija



Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

Broj:08-03-02-1093
Sarajevo,17.01.2014.godine

**MINISTARSTVO PRAVDE I UPRAVE
O V D J E**

PREDMET:Mišljenje
Veza:Vaš broj:03-07-32748/13 od 15.01.2014.godine

Prijedlog Zakona o izmjeni i dopuni Zakona o Vladi Kantona Sarajevo nije u suprotnosti s propisima iz oblasti finansija, a kako za primjenu istog nisu potrebna dodatna finansijska sredstva, to Ministarstvo finansija nema primjedbi na isti.

S poštovanjem,



MINISTAR
Muhamed Kozadra,dipl.ecc.



web: <http://mf.ks.gov.ba>
e-mail: mf@mf.ks.gov.ba;
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62



24-12-2013

2197

Bosna i Hercegovina
Federacija Bosne i Hercegovine
KANTON SARAJEVO
Premijer



Bosnia and Herzegovina
Federation of Bosnia and Herzegovina
CANTON SARAJEVO
Prime Minister

Broj: 02-02-32590/13
Sarajevo, 20.12.2013.godine

Bosna i Hercegovina
Federacija Bosne i Hercegovine
KANTON SARAJEVO

PRIM.:	26-12-2013	Broj priloga:
Org.:		
datum:	03.07.02	

KANTON SARAJEVO
MINISTARSTVO PRAVDE I UPRAVE
- OVDJE -

PREDMET: Inicijativa za izmjene i dopune Zakona o Vladi Kantona Sarajevo,
dostavlja se, -

Poštovani,

Ovom prilikom iniciram pokretanje procedure za izmjene i dopune Zakona o Vladi Kantona Sarajevo, u smislu da se preciznije i detaljnije utvrde konkretna ovlaštenja Premijera Kantona Sarajevo, a sve u skladu sa ovlaštenjima koja su utvrđena Ustavom Kantona Sarajevo.

Napominjem da se potreba za izmjenama i dopunama Zakona o Vladi ukazala neophodnom, s obzirom da se u praksi susrećemo sa situacijama koje nisu predviđene ili nisu dovoljno regulisane navedenim Zakonom, dok istovremeno postoji neodložna potreba za rješavanjem istih u cilju efikasnog funkcionisanja Vlade Kantona Sarajevo i resornih ministarstava.

Kao konkretan primjer, ističemo trenutnu situaciju gdje je mjesto ministra Ministarstva za obrazovanje, nauku i mlade upražnjeno već određeni period zbog čega je otežano redovno i blagovremeno obavljanje redovnih poslova iz nadležnosti Ministarstva.

Ovakva situacija se direktno reflektuje na rad Vlade Kantona Sarajevo, Ministarstva ali i ostvarivanje prava građana Kantona Sarajevo, te je u cilju prevazilaženja ovakve i sličnih situacija potrebno predvidjeti konkretna i precizna ovlaštenja Premijera Kantona Sarajevo.

S poštovanjem,



PREMIJER

Suad Zeljković

Dostaviti:

1. Naslovu
2. Evidencija
3. Arhiva



e-mail: premijer@ks.gov.ba, www.ks.gov.ba
Tel: + 387 (0) 33 562-068, + 387 (0) 33 562-070
Fax: + 387 (0) 33 562-211
Sarajevo, Reisa Džemaludina Čauševića 1





Broj: 03-07-05- 32748/13
Sarajevo, 27. decembar 2013. godine

30.12.2013.

OTPREMLJENO
31-12-2013

potpis

PREMIJER KANTONA SARAJEVO

PREDMET: Izjašnjenje o Inicijativi za izmjene i dopune Zakona o Vladi Kantona Sarajevo

Ministarstvu pravde i uprave dostavili ste Inicijativu za izmjene i dopune Zakona o Vladi Kantona Sarajevo, broj 02-02-32590/13 od 20.12.2013.godine, ističući da se u praksi susrećemo sa situacijama koje nisu predviđene ili nisu dovoljno regulisane navedenim zakonom, dok istovremeno postoji neodložna potreba za rješavanjem istih u cilju efikasnog funkcionisanja Vlade Kantona Sarajevo i resornih ministarstava, a kao konkretan primjer ističete trenutnu situaciju gdje je mjesto ministra za obrazovanje, nauku i mlade upražnjeno već određeni period, zbog čega je otežano redovno i blagovremeno obavljanje poslova iz nadležnosti Ministarstva za obrazovanje, nauku i mlade. Ističete i da se ovakva situacija direktno reflektuje na rad Vlade Kantona Sarajevo i Ministarstva, ali i ostvarivanje prava građana Kantona Sarajevo, te je u cilju prevazilaženja ovakve i sličnih situacija smatrate da je potrebno predvidjeti konkretna i precizna ovlaštenja premijera Kantona Sarajevo.

Ministarstvo pravde i uprave razmotrilo je navedenu inicijativu i smatra da su ovlaštenja premijera Kantona Sarajevo precizno određena Ustavom Kantona Sarajevo i Zakonom o Vladi Kantona Sarajevo, i to:

- Odredbama člana 29.stav 1.Ustava Kantona Sarajevo

„Premijer je nadležan za:

- a) provođenje kantonalne politike i izvršavanje kantonalnih propisa, uključujući i osiguranje izvršavanja odluka kantonalnih i federalnih sudova;
- b) predlaganje i davanje preporuka iz oblasti kantonalnog zakonodavstva;
- c) iznošenje budžetskih prijedloga pred Skupštinu;
- d) predstavljanje i zastupanje Kantona u zemlji i inostranstvu;
- e) zaključivanje ugovora i drugih akata kojima se preuzimaju prava i obaveze za Kanton, s tim da se za ugovore veće vrijednosti i ugovore iz oblasti međunarodne saradnje mora pribaviti saglasnost Skupštine, odnosno Parlamenta Federacije Bosne i Hercegovine i Parlamentarne skupštine Bosne i Hercegovine, u skladu sa Ustavom Federacije Bosne i Hercegovine;
- f) podnošenje zahtjeva Ustavnom sudu Federacije Bosne i Hercegovine za ocjenu ustavnosti i zakonitosti propisa;
- g) obezbjeđivanje saradnje sa organima Bosne i Hercegovine i Federacije Bosne i Hercegovine;
- h) odlučivanje o upotrebi policijskih snaga u posebnim okolnostima, kao što su neposredna ratna opasnost, ratno stanje i vanredne situacije izazvane prirodnim ili drugim katastrofama;
- i) druga pitanja utvrđena ovim Ustavom i zakonima Kantona.



web: <http://mpu.ks.gov.ba>

e-mail: pravda@ks.gov.ba

Tel: + 387 (0) 33 562-083, Fax: + 387 (0) 33 562-241
Sarajevo, Reisa Džemaludina Čauševića 1



- **Odredbama Član 27. stav 2. Ustava Kantona**
„Kandidat za mjesto premijera Kantona predlaže ministre.“
- **Odredbama člana 8a. st. 2. i 3. Zakona o Vladi Kantona Sarajevo**

U slučaju da mjesto člana Vlade ostane upražnjeno, član Vlade se imenuje u roku od 30 dana od dana kada je mjesto člana Vlade ostalo upražnjeno, na način utvrđen ustavom, do kada funkciju ministra ministarstva kojim je rukovodio dotadašnji ministar obavlja član Vlade kojeg odredi premijer.”

Međutim, ukoliko smatrate da ove odredbe Zakona o Vladi Kantona Sarajevo, u odnosu na period imenovanja člana Vlade da obavlja funkciju ministra ministarstva koja je ostala upražnjena, nisu odgovarajuće, moguće je da se izvrše izmjene u smislu:

U članu 8a.st. 2. i 3. mijenjaju se i glase:

“U slučaju privremene spriječenosti člana Vlade duže od 30 dana, funkciju ministra ministarstva kojim rukovodi odsutni ministar vrši premijer ili član Vlade kojeg odredi premijer

U slučaju da mjesto člana Vlade ostane upražnjeno, do imenovanja novog člana Vlade funkciju ministra ministarstva kojim je rukovodio dotadašnji ministar obavlja premijer ili član Vlade kojeg odredi premijer.”


Međutim, ovakve odredbe stava 3. ostavljaju mogućnost dugotrajnog vršenja funkcije ministra u drugom ministarstvu, uz funkciju ministra u svom ministarstvu, što je preveliko opterećenje, uz mogućnost da se u oba ministarstva obavljaju samo osnovne ili djelimične funkcije.

Molimo Vas da nam odgovorite da li smatrate odgovarajućim ovakve izmjene, radi dalje procedure donošenja Zakona.

S poštovanjem,

Dostaviti:
1. Naslovu
2. Arhivi

MINISTRICA


Velida Memić, dipl. pravnik



web: <http://mpu.ks.gov.ba>
e-mail: pravda@ks.gov.ba
Tel: + 387 (0) 33 562-083, Fax: + 387 (0) 33 562-241
Sarajevo, Reisa Džemaludina Čauševića 1



07-01-2014

54

Bosna i Hercegovina
Federacija Bosne i Hercegovine
KANTON SARAJEVO
Kabinet premijera



Bosnia and Herzegovina
Federation of Bosnia and Herzegovina
CANTON SARAJEVO
Prime Minister's Office

Broj: 02/03-07-05-32748/13
Sarajevo, 07.01.2014. godine

MINISTARSTVO PRAVDE I UPRAVE
n/r gđa Velida Memić, ministrica

hls

PREDMET: Obavijest – dostavlja se

Poštovana,

Na osnovu Vašeg akta broj: 03-07-05-32748/13 od 27.12.2013. godine vezano za Inicijativu za izmjene i dopune Zakona o Vladi Kantona Sarajevo, obavještavamo Vas da je stav premijera Kantona Sarajevo da je u slučaju upražnjene ministarske pozicije saglasan sa prijedlogom iz člana 8a. st. 2. i 3. Zakona o Vladi Kantona Sarajevo, kojim se nudi prikladnije rješenje koje bi omogućilo nesmetano funkcionisanje resornog ministarstva.

S poštovanjem,



web: <http://vlada.ks.gov.ba>

e-mail: kp@kp.ks.gov.ba

Tel: + 387 (0) 33 562-068, 562-070

Fax: + 387 (0) 33 562-211

Sarajevo, Reisa Džemaludina Čauševića 1






**Komisija za izbor i imenovanja i
administrativna pitanja**

Broj: 01-05-24601-2/13
Sarajevo, 30.09.2013. godine

Komisija za izbor i imenovanja i administrativna pitanja Skupštine Kantona Sarajevo, na sjednici održanoj 30.09.2013. godine, razmatrajući zahtjev ministra Ministarstva za obrazovanje, nauku i mlade Kantona Sarajevo, Prof. dr. Damira Marjanovića, za regulisanje radno-pravnog statusa, pokrenula je

INICIJATIVU

1. Da Vlada Kantona Sarajevo po hitnoj proceduri pristupi izmjeni Zakona o Vladi u kojem će se predvidjeti da ukoliko ministar podnese ostavku, ostavka se usvaja i o njoj ne raspravlja Skupština,
2. Da se izvrše izmjene Poslovnika Skupštine koji se odnose na član 202. (Postupak smjenjivanja i ostavke).



PREDSJEDAVAJUĆI KOMISIJE

Elmedin Konaković



PRILOZI

USTAV KANTONA SARAJEVO

(„Službene novine Kantona Sarajevo“ br. 1/96, 2/96 - Ispravka, 3/96 – Ispravka, 16/97, 14/00, 4/01,28/04 i 6/13)

Član 18.

Nadležnosti Skupštine

Skupština Kantona:

b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;

Član 30. stav (1)

Organizacija uprave

Organizacija Vlade utvrđuje se zakonom Kantona sukladno ovom Ustavu.

ODREDBE ZAKONA KOJE SE MIJENJAJU ILI DOPUNJUJU:

Zakon o Vladi Kantona Sarajevo

(„Službene novine Kantona Sarajevo“ broj 24/03 – Prečišćen tekst i broj 38/13)

Član 8a.

U slučaju privremene spriječenosti člana Vlade, kada se razmatraju materijali iz nadležnosti ministarstva kojim rukovodi odsutni član Vlade, sjednicama Vlade prisustvuje sekretar tog ministarstva, bez prava glasa.

U slučaju privremene spriječenosti člana Vlade duže od 30 dana, funkciju ministra ministarstva kojim rukovodi odsutni ministar vrši član Vlade kojeg odredi premijer.

U slučaju da mjesto člana Vlade ostane upražnjeno, član Vlade se imenuje u roku od 30 dana od dana kada je mjesto člana Vlade ostalo upražnjeno, na način utvrđen ustavom, do kada funkciju ministra ministarstva kojim je rukovodio dotadašnji ministar obavlja član Vlade kojeg odredi premijer.

Ministar iz st. 2. i 3. ovog člana kojeg odredi premijer, ne obavlja i funkciju člana Vlade umjesto odsutnog ministra.

Član 9.

Ministri odgovaraju premijeru i Skupštini Kantona.

Premijer je odgovoran Skupštini Kantona.

Ministri snose krajnju odgovornost za rad svojih ministarstava.

Vlada Kantona podnosi ostavku ako joj u bilo koje vrijeme Skupština Kantona izglasa nepovjerenje.

Član 9a.

Premijer i članovi Vlade mogu podnijeti ostavku.

Premijer podnosi ostavku predsjedavajućem Skupštine Kantona, a potvrđuje je Skupština Kantona na prvoj narednojsjednici.

Kad premijer podnese ostavku, smatra se da su ostavku podnijeli svi članovi Vlade.

Član Vlade podnosi ostavku premijeru.

Član 9b.

Ako Skupština Kantona prihvati ostavku premijera, premijer i Vlada će obavljati sve poslove iz svoje nadležnosti, do imenovanja nove Vlade, u skladu sa članom 8b. stav 2. ovog Zakona.

Ako premijer prihvati ostavku pojedinog člana Vlade, rješenje o razrješenju potvrđuje Skupština Kantona na prvoj narednoj sjednici.

Ministar može obrazložiti ostavku u Skupštini Kantona.

Premijer će novog člana Vlade imenovati i predstaviti na sjednici Skupštine Kantona i zatražiti glasanje o potvrđivanju imenovanja tog člana, u roku iz člana 8a. stav 3. Zakona."